



Departamento Municipal de Deportes de *Santiago*



CONCELLO DE
SANTIAGO

PROTOCOLO BÁSICO DE ACTUACIÓN PARA O USO DAS INSTALACIÓNS DEPORTIVAS MUNICIPAIS DURANTE A INCIDENCIA DO COVID-19

Actualización: 02.08.2021.

INDICE

	<i>Páxina</i>
1. Introducción	3
2. Destinatarios	3
3. Instalacións obxecto de solicitude	3
4. Requisitos xerais obrigatorios para entidades e usuarios	4
5. Medidas xerais de prevención individual e colectiva	4
6. Normas específicas espazos deportivos	7
7. Zonas comúns	9
8. Outras consideracións	10
9. Normas específicas para o desenvolvemento de competicións	10
10. Normativa e guías relacionadas	12
Anexo 1	14
Anexo 2	15
Anexo 3	16
Anexo 4	17

INTRODUCCIÓN:

A pandemia COVID-19 representa unha das crises máis importantes da nosa historia recente, cun gran impacto dende o punto de vista sanitario, social e económico. Co fin de parar a súa expansión e evitar o desbordamento do sistema de saúde, diferentes países veñen adoptando un conxunto crecente de medidas centradas no fortalecemento da resposta no campo da saúde e reducir as taxas de contaxio ao conter a mobilidade de persoas e separación física no eido social e económico. No caso de España, a propagación da enfermidade obrigou a adoptar medidas das autoridades sanitarias e levaron posteriormente a aprobación do Real Decreto do 14 de marzo polo que se estableceu o estado de alarma, con importantes medidas restritivas de mobilidade e actividade económica.

Este protocolo pretende de facilitar a organización e uso das instalacións deportivas municipais nesta situación extraordinaria, por parte dos diferentes colectivos deportivos da nosa cidade, estando en todo momento supeditado ao que diten ao respecto as autoridades sanitarias e deportivas.

A presente guía ten un carácter complementario e subordinado as exixencias e pautas establecidas polas autoridades sanitarias e deportivas en cada momento e ten como obxectivo informar aos clubs, usuarios e entidades deportivas do Concello de Santiago, que queiran reincorporar ao uso de Instalación Deportivas Municipais.

O inicio da actividade deportiva realizase baixo demanda e de forma xustificada. En todo caso, o cumprimento de este protocolo corresponderá as entidades e os deportistas baixo a súa exclusiva responsabilidade.

DESTINATARIOS

En termos xerais, o conxunto de actividades deportivas que se poidan desenvolver a través das entidades deportivas debidamente inscritas no rexistro municipal de asociacións que presentaran a solicitude de uso de instalación deportivas municipais para a tempada ou curso escolar 2021/2022.

Con carácter xeral, o uso das instalacións é de forma individual ou colectiva, e baixo a tutela dunha entidade deportiva.

Non é obxecto deste protocolo a organización de eventos ou campionatos de calquera tipo, a organización de actividades recreativas e de tempo libre, que requirirán dun protocolo propio para a actividade a desenvolver. Non é obxecto deste protocolo as actividades laborais, administrativas, actividades dos centros educativos, de formación e ocupacionais, sempre que se adopten as medidas previstas nos correspondentes protocolos de funcionamento. En todos estes supostos, terá un carácter complementario.

INSTALACIÓNS OBXECTO DE SOLICITUDE

Instalacións obxecto de solicitude

- Instalacións deportivas municipais que determine o Departamento Municipal de Deportes.

Horarios das instalacións por quenda

- Establécense quendas de actividade, segundo modalidade individual ou colectiva, de entre 60' e 120' de duración.

- Entre quenda e quenda de actividade producirase o peche das instalacións para realizar tarefas de limpeza e/ou desinfección en zonas de uso frecuente e ventilación dos espazos cubertos de 20/30 minutos, segundo proceda.

REQUISITOS XERAIS OBRIGATORIOS PARA ENTIDADES E USUARIOS

- Presentación do formulario de solicitude e da **declaración responsable** no que poña de manifesto o coñecemento e aceptación expresa da normativa en vigor que afecta a actividade a desenvolver e das condicións de participación segundo modelo que se determine en función do tipo de actividade. Toda a documentación deberá ser presentada coa suficiente antelación a través <https://sede.santiagodecompostela.gal/>
- As entidades solicitantes que teñan unha cesión de uso de varias horas continuas por recinto, deberán de presentar un cadro de ocupación detallado por franxa horaria e equipo considerando os tempos obrigatorios de peche de instalación (20 minutos instalacións ao aire libre/30 minutos espazos cubertos).
- As **entidades deportivas designarán unha persoa coordinadora Covid-19**, que será a responsable de coordinación das medidas de prevención e control do Covid19 que se establecen nos protocolos e normativas correspondentes. Na instalación deportiva so poderán acceder os deportistas e cadro técnico mínimo necesario para o desenvolvemento da actividade, e o responsable/coordinador do club e a persoa responsable da hixiene e desinfección do material propio. **A persoa coordinadora Covid-19 remitirá ao Concello de Santiago todas as incidencias detectadas durante a actividade e, de forma inmediata, ás autoridades sanitarias competentes calquera situación de risco que proceda.**
- Os usuarios deberán presentarse no acceso da instalación para o seu identificación e verificación de horario.
- No caso das actividades deportivas (adestramento e competicións de ámbito federado), será de aplicación o protocolo da federación galega correspondente aprobado mediante resolución da Secretaría Xeral para o Deporte, no que se identifiquen as situacións potenciais de contaxio, atendendo ás vías recoñecidas polas autoridades sanitarias, e no que se establezan as medidas de tratamento de risco de contaxio adaptadas á casuística. O protocolo FISICOVID da ou das modalidades deportivas será, xunto con este protocolo, e o protocolo FISICOVID-DXTGALEGO da SXD de obrigado cumprimento pola entidade usuaria das instalacións.
- No suposto de actividades físicas (non federadas) deberá presentarse un protocolo adaptado ao tipo de actividade e instalación solicitada segundo a normativa vixente nese momento para a súa valoración polo Concello de Santiago.

MEDIDAS XERAIS DE PREVENCIÓN INDIVIDUAL E COLECTIVA

- Non acudir á instalación e informar de forma inmediata as autoridades sanitarias e ao Departamento de Deportes do Concello de Santiago no caso de ter algún síntoma que poda ser compatible coa epidemia COVID-19, ou no caso de contacto con persoas infectadas.
- Manter a distancia mínima interpersonal con todos os usuarios e traballadores de 1,5 metros.
- Deberanse limpar as mans coas solución hidroalcohólicas antes de entrar e o saír do recinto.
- Hixiene respiratoria (esbirrar ou tusir contra o brazo co cóbado flexionado, uso de panos de papel e a súa eliminación tirándoo a bolsa ou cubo de lixo).
- Evitar o saúdo con contacto físico (non bicar, non abrazar, non dar a man, etc.)
- Evitar tocar os ollos, o nariz e a boca.
- Utilizaranse a máscara durante todo o tempo de circulación entre espazos comúns das instalacións, e segundo determinen as autoridades sanitarias en cada momento
- Os adestradores e acompañantes autorizados, estarán suxeitos ás mesmas obrigacións que os deportistas.

- No caso de deportistas con discapacidade, permitirase acompañante, pero sempre mantendo as distancias de seguridade e as medidas de protección e hixiene que se establezan.
- Dado a heteroxeneidade existente de modalidades deportivas, cada unha delas con características e necesidades diferentes, poderán incluírse normas específicas en función das disciplinas.
- As entidades deportivas deberán ter, entre os seu material de traballo, polo menos, solución hidroalcohólica suficiente para o grupo que está desenvolvendo a actividade e material desinfectante autorizado polo Ministerio de Sanidade para desinfectar o material propio.
- A entidade deportiva deberá velar e responsabilizarse para que non poidan acceder á instalación os deportistas positivos en COVID-19.
- **Na instalación deportiva so poderán acceder os deportistas e o cadro técnico mínimo necesario para o desenvolvemento da actividade.**
- O aforo estará limitado ao disposto nos anexos 1 e 2 deste protocolo, podendo existir maiores restricións de aforo segundo a situación sanitaria na que nos atopemos.
- Procederáse á apertura de portas e xanelas (cando sexa posible) que faciliten a ventilación dos espazos.
- Evitar tocar portas e resto dos equipamentos da instalación na medida do posible (manteranse as portas aberta con este fin).
- As bolsas, mochilas ou efectos persoais só se poderán deixar nos espazos habilitados para ese fin.
- Cada instalación deportiva disporá dunha copia deste protocolo para coñecemento xeral dos seus usuarios, que tamén estará publicado na páxina web do Departamento de Deportes deportes.santiagodecompostela.gal
- Todos os axentes deberán adoptar as medidas necesarias para evitar a xeración de riscos de propagación da enfermidade COVID-19, así como a propia exposición a ditos riscos. Este deber de cautela e protección será igualmente exixible a calquera actividade deportiva.
- A entidade deportiva deberá garantir que os deportistas / persoal técnico dispoñen do material de prevención e protección (máscara, hidroxel, material específico para a actuación en caso de presenza de síntomas ...), xa sexa porque o pon a propia entidade organizadora da actividade ou porque os traen os deportistas, staff...
- **Medidas de información:** A entidade organizadora da actividade informará a todos os axentes que participen directa ou indirectamente na actividade sobre os riscos e medidas sanitarias e de hixiene que deben cumprir de forma individual.
- **Medidas de formación:** a entidade deberá promover a formación (especialmente do seu staff) para adaptar as actividades ás medidas e recomendación marcadas polas autoridades sanitarias (revisión das actividades a desenvolver, suprimindo aquelas que promovan o contacto físico...), así como, a formación sobre as medidas hixiénico sanitarias de carácter persoal recomendables (recoméndase a lectura das guías editadas pola Secretaría Xeral para o Deportes ao respecto, "Volvendo con Sentidiño").

Uso de máscara:

- Os usuarios virán provistos obrigatoriamente de máscara.
- O uso da mesma durante a actividade física non federada axustarase ás regras normativa vixentes, en función dos datos epidemiolóxicos existentes nos Concellos e a normativa sanitaria vixente en cada momento. En calquera caso, o uso da máscara será obrigatoria por norma xeral.
- A realización de actividades deportivas (adestramentos) e na celebración de competicións dentro da actividade federada de competencia autonómica, aplicarase, respecto ao uso da máscara, o recollido especificamente no protocolo das federacións deportivas respectivas aprobado pola Secretaría Xeral para o Deporte.
- Na actividade deportiva de ámbito nacional estarase ao que se determine pola Federación Española respectiva ou, no seu defecto, polo que indiquen as autoridades deportivas.
- **En todo caso, o uso da máscara é obrigatorio á entrada, na saída e nas zonas comúns da instalación. Cando non se utilice, é importante gardala axeitadamente.**

Principio de “autorresponsabilidade” e “voluntariedade”

- É responsabilidade dos clubs e organizadores cumprir cos requisitos fixados polas autoridades e comunicar as federacións correspondentes así como, ao Concello de Santiago de calquera incidencia ao respecto que imposibilite ou dificulte o desenvolvemento de adestramentos e competicións.
- Ademais de considerarse unha obriga esencial, debemos incluír dentro do principio de autorresponsabilidade a comunicación inmediata ante calquera indicio de posibles síntomas sospeitosos da infección do COVID-19, a adopción de medidas de illamento inmediato e a non presenza individual en adestramentos, competicións e actividades físicas en xeral, cando se teña a sospeita de estar infectado o se estivera en contacto con algunha persoa da que teñamos indicios de estar infectada.
- A práctica actividade deportiva e física é unha actividade VOLUNTARIA para cada un dos participantes. As persoas e clubs que se integran nelas se suxeitan voluntaria e libremente as normas que fixan as autoridades públicas competentes para os adestramentos e para a práctica deportiva federada de competición e actividade física en xeral, e sométense de maneira voluntaria e libre as normas que diten as Federacións autonómicas e territoriais e, no seu caso, as normas ditas polas respectivas Federacións españolas e autoridades sanitarias.

Material deportivo

- Con carácter xeral, non se compartirá ningún material e, se isto non fose posible, garantirase por parte das entidades a presenza de elementos de hixiene para o seu uso continuado e promoverase o seu emprego, (circunstancia que poderá ser controlada polo persoal de conserxería).
- As entidades deberán dispoñer obrigatoriamente de estacións de limpeza nas zonas do almacén que teñan autorizado para facilitar a desinfección do seu propio material ou equipamento pola persoa responsable que designen. Ditas estacións disporán do seguinte material e produto: un pulverizador desinfectante e dispensadores de papel cunha papeleira para depositar os desfeitos.

Material de protección dispoñible nas instalacións

- Hidroalcohol (entrada e saída das instalacións)
- Xabón de mans (aseos e vestiarios)
- Papel desbotable (aseos e vestiarios)

Actuación en caso de presenza de síntomas

- No caso de que un membro do corpo técnico, deportista, etc., teña sintomatoloxía do virus COVID-19, deberá informar de xeito inmediato ao servizo galego de saúde para iniciar o protocolo previsto pola Consellería de Sanidade (<https://www.sergas.es/Saudepublica/Novo-coronavirus-2019-nCoV?idioma=es>)
- Neste senso, considérase sintomatoloxía do virus COVID-19 un cadro clínico de infección respiratoria aguda (IRA) de aparición súbita e de calquera gravidade, incluíndo febre, tose ou falta de alento, entre outros.
- Ante a presenza doutros síntomas atípicos como a odinofaxia, anosmia, ageusia, dores musculares, entre outros, é importante buscar outros indicios adicionais que apoiem a sospeita da infección. Será o xuízo clínico do profesional o que determine a realización de probas complementarias.
- En caso de detección dun sospeitoso por COVID-19 no entorno da práctica deportiva, deberanse seguir as pautas determinadas polas autoridades sanitarias. A persoa afectada retirarase do grupo e conducirase a outro espazo (sala de illamento), facilitándolle unha máscara cirúrxica. Este espazo deberá ser elixido previamente, e debería contar con ventilación adecuada, e unha papeleira de pedal con bolsa, onde tirar a máscara e panos que se poidan desbotar. Contactarase co centro de saúde

correspondente á persoa ou co teléfono de referencia (900 400 116), e seguirán as súas instrucións.

- Se se percibira gravidade chamarase ao 061. Haberá que realizar unha boa ventilación, limpeza e desinfección deste espazo e do resto das estancias onde estivera a persoa, acorde á situación do risco. Será preciso tamén illar o contedor/papeleira onde se depositaran os panos ou outros produtos usados. Esa bolsa de lixo deberá ser extraída e colocada nunha segunda bolsa de lixo, con peche, para o seu depósito no lugar onde se determine. En todo caso, seguiranse en todo momento as recomendacións das autoridades sanitarias.
- En caso de detección dun positivo no grupo de adestramento ou práctica deportiva, dentro do persoal, corpo técnico ... deberá comunicalo de forma inmediata as autoridades sanitarias e informar por escrito ao Concello de Santiago por si fora necesario a adopción de algunha medida excepcional.

Accesos

- Deberase facer un control estrito do acceso ás instalacións, restrinxido ás persoas debidamente autorizadas, debendo entregar na conserxería das instalacións unha listaxe detallada do grupo estable de adestramento ou práctica deportiva (para o que se poderá empregar como modelo o anexo 3 o calquera outro similar), e poder controlar o aforo que se determine. O seu incumprimento será responsabilidade exclusiva da entidade solicitante, podendo anularse ou suspenderse provisionalmente o acceso á instalación.
- Respetaranse os horarios establecidos e a distancia social. Non se permitirá o acceso a instalación ata a hora asignada, establecéndose unha franxa horaria de acceso de 15 minutos.
- Respetarase en todo momento a distancia social de seguridade.
- O acceso ao recinto farase empregando máscara (obligatorio).
- As portas de acceso/saída á instalación permanecerán, con carácter xeral, abertas e soamente serán manipuladas polo persoal da instalación/limpeza.
- Diferenciar acceso de deportistas e público (de ser o caso), así como a diferenciación da entrada e saída (cando a instalación o permita).
- Os usuarios deberán acceder a través das alfombras virucidas instaladas nos recintos, segundo proceda.
- Unha vez no interior da instalación os usuarios deberán seguir atentamente as indicacións do persoal de conserxería e seguir as sinais marcadas que indican os percorridos de entrada e saída da instalación.
- Non se permite deixar material persoal ou da entidade na instalación, polo que antes de abandonar o recinto de xogo será necesario recoller a sala e deixala liberada para os usos posteriores.

NORMAS ESPECÍFICAS POR ESPAZOS DEPORTIVOS

Con carácter xeral, será obrigatorio o cambio de calzado da rúa por outro específico para acceder a zona deportiva de cada instalación.

1. PISTAS DE ATLETISMO

- O uso limitarase ás PISTAS DE ATLETISMO, non podendo utilizar o céspede do campo de xogo para lanzamentos, carreiras ou calquera outra actividade deportiva.

- Aforamento máximo de 50 usuarios incluído os adestradores. Admitirase un máximo de 3 persoas na zona de salto de lonxitude.
- Con carácter xeral, utilizaranse os carreiros 1,3,6; os carreiros 2,5,8 permanecerán pechados e os carreiros 4 e 7 utilizaranse para a volta. A carreira realizarse sempre en sentido contrario ás agullas do reloxo.

2. CAMPOS DE FÚTBOL

- O aforamento será dun equipo completo en medio campo (máximo 25 usuarios incluído adestradores). No caso de equipos de fútbol 8, sempre que a entidade o estime oportuno, permitiranse dous equipos por cada medio campo ata o máximo de persoas anteriormente indicado.
- Os medios campos utilizaranse de forma completamente independente formándose grupos de adestramento de composición estable, que se deberán manter ao longo do periodo solicitado. Nestes grupos estables de adestramento non poderán existir, por norma xeral, cambios entre xogadores.
- Na medida do posible, evitarase o uso simultáneo de dúas entidades diferentes a mesma quenda.

3. PAVILLÓNS

- O aforamento será dun equipo completo (máximo 25 persoas incluído adestradores). O aforo poderá ser inferior en función da modalidade e instalación segundo determine o Departamento de Deportes.
- Formaranse grupos de adestramento de composición estable que se deberán manter ao longo do periodo solicitado. Nestes grupo de adestramento estable non poderán existir, por norma xeral, cambios na relación de deportistas.

4. SALAS DE ACTIVIDADE

- O aforamento máximo de cada sala pode consultarse no anexo 2. Poderá ser inferior en función da modalidade e instalación segundo determine o Departamento de Deportes.
- Formaranse grupos de adestramento de composición estable que se deberán manter ao longo do periodo solicitado. Nestes grupo de adestramento estable non poderán existir, por norma xeral, cambios na relación de deportistas.

5. SALAS DE MUSCULACIÓN

- O aforamento máximo de cada sala pode consultarse no anexo 2.
- Permitirase de forma excepcional a utilización deste tipo de espazos por aquelas entidades que acrediten a súa necesidade, precisando a correspondente autorización do Concello de Santiago. A utilización realizarase baixo o compromiso da entidade de bo uso e da súa limpeza e desinfección antes e despois de cada uso individual de todo o material empregado e susceptible de ser tocado.
- Este prohibido o uso simultáneo de dúas máquinas/aparatos que non manteñan entre si unha distancia mínima de 1,5 metros.
- Para o uso destas salas cada deportista deberá utilizar unha toalla para interpoñer entre o corpo e as máquinas.

ZONAS COMÚNS

Aseos

- Con carácter xeral, a súa ocupación máxima será dunha persoa.
- Non se poderán utilizar para outro fin que o propio, e polo tempo imprescindible.
- Desbotar os panos ou calquera material desbotable nas papeleiras.
- Non está permitido beber das billas dos lavabos.
- Recoméndase a limpeza das mans con xabón, antes e despois do seu uso.

Vestiaros

- Con carácter xeral, evitase o uso dos vestiarios das instalacións deportivas, podendo ser empregados de forma puntual como zonas de aseo e, de forma excepcional, para o cambio de roupa se a entidade o xustifica. (terán carácter rotatorio asignándose un vestiario a cada equipo).
- Con carácter xeral NON está permitido o uso das duchas, agás as excepcións que se poidan atender no suposto de actividade deportiva (adestramentos e competicións oficias federadas) de ámbito nacional.
- No caso de autorización para o uso dos vestiarios e/ou das duchas, so se poderán empregar os asignados previamente polo Departamento de Deportes, cun estricto cumprimento do aforo máximo permitido (sinalizado a entrada do mesmo), e polo tempo mínimo imprescindible, respetando o disposto nas medidas xerais de prevención e hixiene fronte ao COVID-19 indicadas polas autoridades sanitarias.
- No caso de que os vestiarios non estiveran desinfectados e non houbera unha axeitada ventilación, non se poderán usar.
- Recomendase que os pequenos grupos que se forman para o uso dos vestiarios sexan os mesmos en todas as sesións para facilitar, de selo caso, a trazabilidade dos posibles contaxios de COVID-19.

Almacéns

- Con carácter xeral, o material almacenado nas instalacións será o MINIMO e IMPRESCINDIBLE.
- Establecerase unha zona ACOTADA por entidade, debendo respetar escrupulosamente dito espazo. O seu incumprimento poderá conlevar a suspensión do uso da instalacións.
- A desinfección do material utilizado polas entidades será da súa estrita responsabilidade debendo ser desinfectado antes, durante e despois do seu uso e entre cada grupo de actividade.
- Os equipamentos deportivos singulares (por exemplo, os tatamis de loita, iudo...) deberán de ser desinfectados pola entidade solicitante entre quenda e quenda de actividade, ou de ser o caso, estableceranse as medidas específicas que garantan a súa limpeza e desinfección, sempre baixo o compromiso expreso de limpeza e desinfección da entidade.

OUTRAS CONSIDERACIÓNS

Cafeterías

Con carácter xeral, non están permitidos os servizos puntuais de cafetería agás que o Concello de Santiago o autorice expresamente.

Salas de enfermería

Con carácter xeral, non está permitido o uso de salas de enfermería ou similares para a realización de tratamentos de fisioterapia e/ou masaxe. No caso de equipos de nivel nacional que consideren imprescindible prestar este servizo, deberá de tramitar unha solicitude que se acompañara cun protocolo específico para este uso (medidas de desinfección, aforo, EPIS utilizados, medidas de ventilación...) que requirirá da autorización do Concello de Santiago.

NORMAS ESPECÍFICAS PARA O DESENVOLVEMENTO COMPETICIÓNS

No caso da actividade competitiva, esta estará a disposición dos protocolos federativos propios aprobados polas autoridades deportivas e dun protocolo propio adaptado a instalación onde se realice a competición, así como a restante normativa de carácter deportivo ou sanitario vixente en todo momento.

No caso de competición, con presenza de seareiros as normas inicialmente serán as seguintes:

- Aforo limitado ao disposto na autorización da actividade polo Departamento de Deportes suxeito a modificación segundo normativa vixente. Ver anexo 1 vixente a data de actualización do protocolo.
- Responsabilidade da entidade deportiva do cumprimento da normativa en canto a aforo, control do mesmo e respecto das medidas de seguridade dispostas, con especial atención a distancia de seguridade interpersoal de 1,5 metros para o que deberá manter o criterio de sinalización disposto nos recintos.
- Obrigatoriedade de uso de máscara en todo o momento que se permaneza na instalación, tanto pechadas como abertas.
- O público, durante a competición, deberá permanecer sentado. Non están permitidas as localidades de pé.
- As competicións deberán organizarse segundo o previsto nos protocolos federativos de aplicación aprobados polas autoridades deportivas competentes así como, polo disposto no presente protocolo.
- A entidades organizadoras deberán cumprir coas normas e protocolos de aplicación que correspondan, debendo ter presente as consideracións que se enumeran a continuación.

Presentación dunha solicitude e declaración responsable

- A entidade deportiva interesada debe solicitar autorización para a asistencia de público por escrito ao Departamento de Deportes (deportes@santiagodecompostela.gal), como mínimo con 4 días de antelación á celebración da competición. A autorización será extensible a todas as competicións desenvolvidas pola entidade solicitante ata finais da presente tempada, agás comunicación expresa para algunha competición en concreto. A solicitude e declaración deberá ser remitida pola sede electrónica do Concello asinada electrónicamente polo/a presidente/a ou representante legal da entidade. O Concello autorizará expresamente o acceso de público as competicións tras a recepción da solicitude.

Partidos amigables

- Poderanse desenvolver partidos de carácter amigable (non oficial) sempre e cando estean autorizados pola federación galega correspondente, e se organicen seguindo as mesmas medidas e protocolos que se fora un partido oficial.
- Deberanse solicitar cun mínimo de 6 días de antelación e por escrito (sirve vía correo electrónico) no Departamento de Deportes, sendo obrigado que exista unha resposta afirmativa por escrito e, cando menos, polo mesmo medio. De non existir, considerarase que o solicitado non está autorizado.
- Durante a celebración destes partidos será obrigatorio que se respecten igualmente as normas e protocolos que estean vixentes.

Aforo e medidas de prevención a considerar por parte das entidades/organizadores

- É responsabilidade da entidade deportiva o cumprimento da normativa en canto ao aforo, control do mesmo e respecto das medidas de seguridade dispostas, con especial atención a distancia de seguridade interpersonal de 1,5 metros. O aforo dos recintos está limitado segundo os máximos que se definen no anexo 1, ou os que marque en cada momento o Departamento de Deportes.
- **A entidade organizadora deberá elaborar un rexistro de asistentes, que deberá custodiar ata un mes despois do evento**, coa información do contacto dispoñible para as autoridades sanitarias, cumprindo coas normas de protección de datos de carácter persoal.
- O público deberá permanecer sentado (non están permitidas as localidades de pé).
- Co fin de evitar aglomeracións, a distribución dos asistentes será homoxénea polas butacas segundo a rotulación existente e haberá unha planificación axeitada para controlar os accesos e o fluxo de circulación dos asistentes.
- O uso da máscara será obrigatorio en todo momento, mesmo no caso de que se manteña a distancia de seguridade interpersonal nos termos previstos nas medidas hixiénico-sanitarias. Nas butacas ou asentos preasignados, as persoas asistentes non poderán quitar a máscara.
- A entidade seguirá en todo momento as indicacións e observacións do persoal municipal responsable da instalación, que queda facultado para tomar as decisións necesarias en caso de incumprimento das normas.
- O uso dos aseos para público se limitará a casos imprescindibles.
- Non se autoriza a comer e fumar no interior da instalación.
- Co fin de favorecer a fluidez no acceso á instalación, recoméndase que o público estea preinscrito ao evento segundo o protocolo que considere a entidade organizadora.
- Informarase aos espectadores, previo acceso á instalación, das condicións de acceso, entre as que se atoparán, como mínimo, as seguintes cuestións:
 - Non acudir á instalación e informar de forma inmediata no caso de ter algún síntoma que poda ser compatible coa epidemia COVID-19, ou no caso de contacto con persoas infectadas.
 - Realizar un auto test antes de asistir ao evento, para confirmar se pode ter síntomas de COVID-19 (febre, tos, ou falta de alento).
 - O uso da máscara é obrigatorio en todo momento no interior da instalación.
 - Deberá permanecer sentado no lugar asignado durante todo o evento, incluídos os descansos.
 - Só está autorizada a circulación pola instalación para saír da mesma ou, en caso necesario, para dirixirse ao aseo. Co fin de favorecer o control de acceso, evítase

a dinámica de saír o volver entrar á instalación. Manterase a distancia de seguridade en todo momento.

- Deberá proporcionar datos de contacto, que a entidade custodiará ata un mes despois da competición, co único fin de poder poñelos a disposición das autoridades sanitarias.
- O público poderá acceder a instalación con aproximadamente 15 minutos de antelación ao comezo do partido, sempre que estea completamente desaloxada a bancada da competición anterior.
- Poderán valorarse situacións excepcionais, que deberán motivarse e remitirse ao Departamento de Deportes con antelación suficiente para a súa valoración, sempre que non vaian contra a norma xeral de ocupación dos recintos.

En calquera caso, as condicións de autorización poderán ser modificadas (incluso suspendidas) en función da evolución da situación sanitaria e normativa vixente ou, ante calquera incumprimento manifesto por parte da entidade organizadora.

Consideración especiais en instalación ou actividades particulares

Pavillóns polideportivos ubicados en CEIPs

- Co fin de manter a distancia de seguridade respecto da práctica deportiva, utilizarase unicamente a fila alta da bancada como ubicación do público asistente. En caso de ser necesario utilizar algún asento da primeira fila (ata completar o aforo máximo), será empregado de forma preferente polo persoal directivo da entidade, reservándose os asentos ubicados nos extremos da bancada.

Campos de fútbol

- Para as competicións de fútbol 8 desenvolvidas nos campos de fútbol municipais, utilizarase cada metade de campo como unha unidade funcional e independente. Será a entidade que actúe como local, como organizadora, a que se encargue de realizar o rexistro de asistentes, así como de velar polo cumprimento da normativa vixente.

NORMATIVAS E GUÍAS RELACIONADAS

Normativa xeral estatal

- Real Decreto 1591/2009, de 16 de outubro, por el que se regulan los productos sanitarios.
- Real Decreto 463/2020, de 14 de marzo, por el que se declara el estado de alarma para la gestión de la situación de crisis sanitaria ocasionada por el COVID-19.
- Orden SND/344/2020, de 13 de abril, por la que se establecen medidas excepcionales para el refuerzo del Sistema Nacional de Salud y la contención de la crisis sanitaria ocasionada por el COVID-19.
- Orden SND/388/2020, de 3 de mayo, por la que se establecen las condiciones de apertura al público de determinados comercios y servicios, y la apertura de archivos así como la práctica del deporte profesional y federado.
- Resolución de 4 de mayo de 2020, de la Presidencia del Consejo Superior de Deportes, por la que se aprueba y publica el Protocolo básico de actuación para la vuelta a los entrenamientos y el reinicio de las competiciones federadas y profesionales.
- Real Decreto 926/2020, de 25 de octubre, por el que se declara el estado de alarma para contener la propagación de infecciones causadas por el SARS-CoV-2.
- Real Decreto 956/2020, de 3 de noviembre, por el que se prorroga el estado de alarma declarado por el Real Decreto 926/2020, de 25 de octubre, por el que se declara el estado de alarma para contener la propagación de infecciones causadas por el SARS-CoV-2

- Real Decreto-lei 8/2021, d o 4 de maio, po lo que se adoptan medidas urxentes no orde sanitario, social e xurisdiccional, a aplicar tras a finalización da vixencia d o estado de alarma declarado po lo Real decreto 926/2020, d o 25 de outubro , polo que se declara o estado de alarma para conter a propagación de infeccións causadas po lo SARS-CoV-2.

Normas xerais na comunidade autónoma de Galicia

- LEI 3/2012, de 2 de abril, do deporte de Galicia.
- RESOLUCIÓN do 12 de xuño de 2020, da Secretaría Xeral Técnica da Consellería de Sanidade, pola que se dá publicidade do Acordo do Consello da Xunta de Galicia, do 12 de xuño de 2020, sobre medidas de prevención necesarias para facer fronte á crise sanitaria ocasionada polo COVID-19, unha vez superada a fase III do Plan para a transición cara a unha nova normalidade.
- ORDE do 17 de setembro de 2020 sobre modificación de determinadas medidas previstas no Acordo do Consello da Xunta de Galicia, do 12 de xuño de 2020, sobre medidas de prevención necesarias para facer fronte á crise sanitaria ocasionada polo COVID-19, unha vez superada a fase III do Plan para a transición cara a unha nova normalidade.
- ORDE do 25 de xuño de 2021 pola que se establecen medidas de prevención específicas como consecuencia da evolución da situación epidemiolóxica derivada da COVID-19 na Comunidade Autónoma de Galicia
- ORDE do 21 de xullo de 2021 pola que se establecen medidas cualificadas de prevención para facer fronte á evolución da situación epidemiolóxica derivada da COVID-19 na Comunidade Autónoma de Galicia e que precisan da autorización xudicial para a súa eficacia

Outras fontes de interese

- **Ministerio de Sanidad en:**
<https://www.mscbs.gob.es/en/profesionales/saludPublica/ccayes/alertasActual/nCov-China/home.htm>
- **Guía Deporte Galego “volvendo con sentidiño” n°1, n°2, n°3, n°4 e n5.**
<https://deporte.xunta.gal/es/guias-dxt-gallego>
- **FAQs da Secretaría Xeral para o Deporte “Deporte con sentidiño”.**
- www.coronavirus.sergas.gal

ANEXO 1: AFORO MÁXIMO PARA PÚBLICO NAS INSTALACIÓNS DEPORTIVAS PARA COMPETICIÓNS

INSTALACIÓNS LIMITADAS POLA CAPACIDADE MÁXIMA DO RECINTO	
INSTALACIÓN DEPORTIVA MUNICIPAL	AFORO PÚBLICO
GRUPO A: PAVILLÓNS MUNICIPAIS CEIPS	
Pavillón Municipal Monte dos Postes	24 persoas (fila alta bancada)
Pavillón Municipal Quiroga Palacios	24 persoas (fila alta bancada)
Pavillón Municipal Lamas de Abade	24 persoas (fila alta bancada)
Pavillón Municipal Apóstolo Santiago	24 persoas (fila alta bancada)
Pavillón Municipal de Roxos	24 persoas (fila alta bancada)
Pavillón Municipal Vite I (centro educativo)	Sen público (ausencia de bancada)
GRUPO B: OUTROS PAVILLÓNS MUNICIPAIS	
Pavillón Municipal de Santa Isabel (*)	50 persoas
Pavillón Municipal de Restollal	50 persoas
Pavillón Municipal de Vite	50 persoas
Pavillón Municipal de Fontiñas	50 persoas
Pavillón Municipal de Lorenzo de la Torre	27 persoas
Pavillón Municipal Pío XII	27 persoas
Pavillón Municipal Pontepedriña	Sen público (ausencia de bancada)
GRUPO C: CAMPOS DE FÚTBOL MUNICIPAIS	
CF de Santa Isabel (*)	Competición de fútbol 8: 34 persoas cada medio campo
	Competición de fútbol 11: 70 persoas
CF de As Cancelas	Competición de fútbol 8: 34 persoas cada medio campo
	Competición de fútbol 11: 45 persoas
CF de Sergas	43 persoas
CF de Vilvestro	32 persoas
CF de Conxo	40 persoas (zona valada e adaptada cadeiras)
CF de Belvís	Sen público (ausencia de bancada)

(*) O aforo do polideportivo de Santa Isabel para partidos de ámbito nacional no que están autorizados excepcionalmente o uso de vestiarios increméntase a 250 persoas en total e, no caso do campo de fútbol de santa isabel, a un total de 167 persoas.

MOI IMPORTANTE: A presenza de público **inclúe aos directivos** establecidos como máximo para cada disciplina.

Recoméndase que se facilite, sempre que sexa posible, a asistencia dun familiar por deportista participante.

ANEXO 2: AFOROS MÁXIMOS INSTALACIÓNS DEPORTIVAS MUNICIPAIS CON RESPECTO DO USO DEPORTIVO PARA ACTIVIDADES DEPORTIVAS (adestramentos vinculados deporte federado)

(o resto de actividades estarán ao que se dispoña especificamente a nivel normativo en cada momento)

ESPAZO DEPORTIVO	AFORO MÁXIMO PROTOCOLO
Campo de Fútbol de Santa Isabel	Equipo completo (ata un máximo de 25 persoas (½ campo))
Campo de Fútbol de As Cancelas	
Campo de Fútbol de Sergas	
Campo de Fútbol de Vilvestro	
Campo de Fútbol de Conxo	
Campo de Fútbol de Belvís	Equipo completo (ata un máximo 25 persoas campo)
Pavillón Municipal de Santa Isabel	Equipo completo (ata un máximo de 25 persoas)
Pavillón Municipal de Vite	
Pavillón Municipal de Restollal	
Pavillón Municipal Fontiñas	
Pavillón Municipal Pontepedriña	
Pavillón Municipal de Lorenzo de la Torre	
Pavillón Municipal Roxos	
Pavillón Municipal Vite CP	
Pavillón Municipal Apóstol Santiago	
Pavillón Municipal Monte dos Postes	
Pavillón Municipal Quiroga Palacios	
Pavillón Municipal Pio XII	
Pavillón Municipal Lamas de Abade	
Pistas de Atletismo Estadio Verónica Boquete	50 persoas
Sala de Prensa Estadio Verónica Boquete	10 persoas
Sala de actividade Verónica Boquete	10 persoas
Sala de actividade Restollal	10 persoas
Sala de actividade Fontiñas	
Sala de actividade Santa Isabel	6 persoas
Sala de musculación Santa Isabel	10 persoas

ANEXO 3 : FORMULARIO DE CONTROL DE ASISTENCIA AS INSTALACIÓNS DEPORTIVAS (modelo orientativo)

ENTIDADE DEPORTIVA:				
GRUPO ESTABLE DE ADESTRAMENTO:				
<i>Os grupos de adestramento deberán, con carácter xeral, manterase estables na súa composición mentres continúe esta situación extraordinaria. É responsabilidade da entidade, garantir esta circunstancia, que vai redundar nun mellor control sanitario.</i>				
DATA DA ACTIVIDADE:				
INSTALACIÓN DEPORTIVA MUNICIPAL:				
HORARIO:				
NOME E APELIDOS	LICENZA	X / T	INCIDENCIAS COVID19	ACCEDE

Lenda: X: xogador e T: técnico

Responsable hixiene e desinfección

Sinatura do representante da entidade

ANEXO 4. ESTRUCTURA DA FRECUENCIA DA LIMPEZA, DESINFECCIÓN E VENTILACIÓN NAS INSTALACIÓNS DEPORTIVAS MUNICIPAIS.

No seguintes cadros establécense as frecuencias de limpeza, desinfección e ventilación, a realizar con carácter xeral, nas instalacións deportivas municipais. Este cadro, ten carácter informativo e pretende facilitar a organización no proceso de apertura das instalacións estando en todo momento supeditado ao que diten ao respecto as autoridades sanitarias e deportivas. Actualizarase de acordo coas informacións e datos respecto da situación epidemiolóxica e criterios das autoridades sanitarias.

As frecuencias poderán sufrir alteracións en función das seguintes consideracións:

- O tamaño e características da instalación deportiva e o nivel de uso da instalación deportiva.
- A tipoloxía da actividades deportivas a realizar na instalación (hai que ter en conta que os tempos das actividades son estimados)
- Inicialmente os vestiarios están fóra de servizo.

POLIDEPORTIVOS MUNICIPAIS

Horario	Tarefas a realizar	Tempo estimado
Previo á apertura	Limpeza e desinfección xeral instalación e ventilación	120´
Xornada de mañá: ACTIVIDADE LECTIVA	GRUPO ACTIVIDADE LECTIVA 1	50´
	Ventilación e desinfección zonas comúns	30´
	GRUPO ACTIVIDADE LECTIVA 2	50´
	Ventilación e desinfección zonas comúns e limpeza aseos	30´
	GRUPO ACTIVIDADE LECTIVA 3	50´
	Ventilación e desinfección zonas comúns	30´
Peche	Limpeza e desinfección xeral instalación e ventilación	90´
Xornada de tarde: ACTIVIDADE DEPORTIVA	GRUPO ACTIVIDADE 1	60-90´
	Ventilación e desinfección zonas comúns	30´
	GRUPO ACTIVIDADE 2	60-90´
	Ventilación e desinfección zonas comúns e limpeza aseos	30´
	GRUPO ACTIVIDADE 3	60-90´
Peche	Ventilación zonas comúns	30´

CAMPOS DE FÚTBOL MUNICIPAIS E PISTA DE ATLETISMO VERÓNICA BOQUETE DE SAN LÁZARO

Horario	Tarefas a realizar	Tempo estimado
Previo á apertura	Limpeza e desinfección xeral instalación e ventilación	120´
Xornada de tarde: ACTIVIDADE DEPORTIVA	GRUPO ACTIVIDADE 1	60-90´
	Ventilación e desinfección zonas comúns	20´
	GRUPO ACTIVIDADE 2	60-90´
	Ventilación e desinfección zonas comúns e limpeza aseos	20´
	GRUPO ACTIVIDADE 3	60-90´
	Ventilación e desinfección zonas comúns	20´
	GRUPO ACTIVIDADE 4	60-90´